

## **Smutljivac**

Va našoj kuće  
saki dan  
rečki Novi list  
je smutljivac broj jedan.

'Z ranega jutra  
si se pokaramo  
ki će ga prvi va ruki zet  
i ča j' novega va svete videt.

Tata se najprvi želi za sportsku rubriku ćapat,  
Mama – kakova je situacija z COVID-on saznat,  
nonić se, kod i vavek, prvo za politiku lovi,  
a nona leh va osmrtnicah mora pogjedat ako je ki poznat novi.

A ja...  
Vavek ostanen zadnji  
dokle dočekan da se si ziredaju...  
I to mi se najveć pijaža  
aš na mire čitan se po rede  
a oni – ni mene, ni novine već ni ne abadaju!

**Vigo Doričić**, 3. razred  
OŠ Srdoči, Rijeka  
mentorica Gordana Vukić

## Rječnik čakavizama:

va – u

kuće – kući

rečki – riječki

z – iz

si – svi

pokaramo – posvađamo

ki – tko

va ruki – u ruke

zet – uzeti

va svete – u svijetu

ćapat – uhvatiti

kod – kao

vavek – uvijek

leh – samo

va osmrtnicah – u osmrtnicama

pogjedat – pogledati

dokle – dok

si – svi

ziredaju – izredaju

najveć – najviše

pijaža – sviđa

aš – jer

na mire – na miru

se po rede – sve po redu

ne abadaju – ne obraćaju pozornost